

«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական
աշխատողների մասնագիտական կարողությունների և
հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ինտեգրված պարապմունքների կազմակերպումը՝ կարողունակահեն
կրթական մոտեցման համատեքստում

Դաստիարակ՝ Լիանա Պետրոսյան

Մանկապարտեզ՝ «ՀՀ Լոռու մարզի Գյուլագարակ համայնքի Վարդաբլուր գյուղի
մանկապարտեզ» ՀՈԱԿ

2023թ.

Բովանդակություն

Ներածություն 2

Գլուխ 1 4

Ինտեգրված պարապմունքների կազմակերպումը կարողունակահեն կրթական մոտեցման համատեքստում

Գլուխ 2 7

Ինտեգրված պարապմունքի կազմակերպումը, որպես ճանաչողական, իմացական, սոցիալ հուզական ոլորտների զարգացման միջոց

Դիտորդներ 10

Վերջնաարդյունք 12

Գրականության ցանկ 13

Ներածություն

Կրթական համակարգում կատարվող բարեփոխումները պահանջում են նոր մեթոդա-գիական մոտեցում կազմակերպչական և բովանդակային նշանակության խնդիրների լուծման ժամանակ, որը կնպաստի կրթության որակի բարձրացմանը, որի հիման վրա ստեղծվել են ինտեգրված և համալիր պարապմունքներ, որոնք ժամանակակից ուսուցման մեթոդների նյութերից մեկն են: Կարելի է այս տեսակ պարապմունքները անցկացնել տարբեր առարկաներից: Ինտեգրված պարապմունքները համախմբում են տարբեր առարկաների մասնագետների ուժերը և ստեղծում հարուստ միջառարկայան կապերով պարապմունքի օրինակներ: Սրա նպատակն է ընդգծել ինտեգրված և համալիր ուսուցման նշանակությունը, որակի բարձրացումը կրթության, միջառարկայան կապերի որակի բարձրացումը, առարկայի կամ երևույթի համակողմանի ուսումնասիրումը, շրջապատող միջավայրի գիտակցված ընկալումը՝ երեխաների ճանաչողական գործունեության բազմազան կիրառմամբ: Ինտեգրված պարապմունքի ընթացքում կարելի է ինտեգրել մանկավարժական գործընթացի յուր. բաղադրիչ՝ նպատակ, բովանդակություն, ուսուցման մեթոդ և միջոց: Ինտեգրված պարապմունքի տևողությունը տարբեր է, տարբեր է նաև տևողությունը: Օգտագործվում է երկու կամ երեք պարապմունքի ժամ՝ միավորված մեկ պարապմունքի մեջ: Ցանկացած ինտեգրված պարապմունք նպատակ ունի դուրս գալու մեկ առարկայի նեղ շրջանակից, որի կազմակերպումը կարելի է հաղթահարել մակերեսային և ձևական ուսումնասիրությունը, խորացնել հասկացողությունը, հստակեցնել հասկացողություններն ու օրենքները, միավորել սովորողների փորձը, դրա հիման վրա ըմբռնել տեսական մասը: Սրանք համալիր պարապմունքներ են, որոնք օգտագործում են տարբեր տեսակի գործողություններ՝ արվեստ, արհեստ, մաթեմատիկա, երաժշտություն, ձեռքի աշխատանք, դիզայն: Այս տիպի պարապմունքներին հաջորդում են թեմատիկ պարապմունքները, քանի որ հիմնված են երեխաներին ծանոթ նյութերով: Այս ինտեգրված և համալիր պարապմունքի միջև տարբերությունը այն է, որ բարդ առաջադրանքները լուծվում են համալիրում, իսկ ինտեգրվածում մեկ խնդիր լուծվում է տարբեր գործողությունների ինտեգրմամբ:

Ինտեգրված պարապմունքի կազմակերպումը ապահովում է երեխայի մտավոր, սոցիալական, հուզական, ֆիզիկական և գեղագիտական ոլորտների համակողմանի ու ներդաշնակ զարգացմանը:

Դա է պատճառը, որ ես կարևորում եմ այս պարապմունքների կազմակերպումը կարողունակահեն համատեքստում:

Գլուխ 1

Ինտեգրված պարապմունքների կազմակերպումը կարողունակահեն կրթական մոտեցման համատեքստում

«Մանկության ամեն մի օրը մի նոր բան է հայտնագործում շրջապատող աշխարհում: Ամեն մի նոր հայտնագործություն մարմնավորվում է որպես հեքիաթ, որի ստեղծողները երեխաներն են... Երեխային պետք է ծանոթացնել յուրաքանչյուր առարկայի մյուս առարկաների հետ կապելով: Երեխաների համար պատուհան բացեք դեպի շրջապատող աշխարհը: Կարողացեք երեխայի համար շրջապատի աշխարհում հայտնագործել որևէ նոր բան, բայց դա կատարեք այնպես, որ կյանքի այդ պատառիկը երեխաներին երևա ծիածանի բալար գույներով:»

Վ. Սուխոմլինսկի

Այս ինտեգրված պարապմունքները նպատակաուղղված են տարբեր մեթոդիկաների միջև գիտելիքների համակարգվածությանը, առարկաների կամ երևույթների ուսումնասիրմանը, ստեղծագործական երևակյության զարգացմանը: Այս ինտեգրված պարապմունքների կառուցվածքը պահանջում է նյութի հստակություն և տարբեր մեթոդիկաների միջև տրամաբանական կապի ապահովում, որը կարող է իրականացվել պարապմունքի ընթացքում: Այս պարապմունքները պահանջում են հստակ մտածողություն և տրամաբանություն ուսուցման բոլոր փուլերում, որը նպաստում է կենտրոնացված ծրագրային նյութի յուրացմանը: Այս ինտեգրված պարապմունքները երեխային տալիս են լայն ու վառ պատկերացումներ շրջապատող աշխարհի մասին, որտեղ նա փոխհարաբերությունների մեջ է երևույթների և առարկաների հետ, կապված բազմաթիվ նյութական ու գեղարվեստական մշակութային հետ: Այստեղ հիմնական շեշտը դրվում է գիտելիքի յուրացմանը և ստեղծագործական զարգացմանը: Նախադպրոցական կրթության հիմնական նպատակն է՝ ապահովել երեխայի մտավոր, սոցիալական, ֆիզիկական, հուզական և գեղագիտական ոլորտների ներդաշնակ և համակողմանի զարգացումը:

Երեխայի դաստիարակության հարցում կարևոր է խաղի դերը, ուսուցման ընդհանուր զարգացման գործում: Ըստ հայ մեծանուն բանաստեղծ Հովհ. Թումանյանի, որը գտնում էր, որ խաղը երեխայի «բնական, օրգանական պահանջն է, նրա լրջությունը և էությունը: Խաղն ու պարապմունքը միաժամանակ լրացնում են միմյանց ուսումնական գործընթացում, որը արդյունավետ է նախադպրոցական լայն տարածում գտած ինտերակտիվ մեթոդը: Ինտեգրված պարապմունքներն արդյունավետ են, երբ անցկացվում են խաղային մեթոդներով: Ըստ Մ. Մոնտեսորիի՝ «Այն խաղը, որն ուսուցանող չէ՝ դաստարկ խաղ է:»

Մանկապարտեզում կարևորվում է ինտեգրված պարապմունքների դերը, որտեղ ուսուցանվող նյութը լրացնում է խաղի միջոցով: Ինտեգրված պարապմունքը չի կենտրոնացված միայն մեկ առանձնացված ոլորտի վրա, որտեղ պարապմունքի ընթացքում երեխան ստանում է բազմակողմանի գիտելիքներ: Պարապմունքի թեման ընտրելիս դաստիարակը պետք է հաշվի առնի պարապմունքի կարևորությունն ու հազեցվածությունը: Ինտեգրված պարապմունքների ժամանակ տրվող քննարկումները, զրույցները, խաղերն ու վարժությունները երեխային օգնում են լինել ակտիվ, ուշադիր և զգոն:

Այս պարապմունքը դաստիարակին օգնում են երեխայի մեջ դաստիարակել որակներ, որոնք անհրաժեշտ են հասուն տարիքում: «Ինտեգրում» - լատիներենից թարգմանաբար նշանակում է՝ վերականգնում, համալրում, մասերի միավորում ամբողջի մեջ: Ինտեգրված պարապմունքի համար կարևոր է նյութի ընտրությունը, ոչ բոլոր պարապմունքը կարելի է անցկացնել ինտեգրված մեթոդներով: Այսպիսի պարապմունքներ ուղղված են տարբեր մեթոդիկաների միջև կապերի դրսևորմանը, առարկաների համակողմանի ուսումնասիրման և գիտելիքների համակարգվածությանը, ստեղծագործական երևակյության զարգացմանը: Ինտեգրված ուսուցման ծրագրերը կազմվում են այնպես, որ մի առարկայից գիտելիքները հիմնվում են մի քանի այլ առարկաներից վերցրած գիտելիքների վրա, միասին սերտորեն փոխկապակցված ամբողջություն են: Անհրաժեշտ է միննույն թեմայի բովանդակության շուրջ կառուցել ինտեգրված պարապմունք և հստակեցնել առաջադրանքը պարապմունքի յուրաքանչյուր փուլում: Ինտեգրված պարապմունքն ուղղված է թեմայի ամբողջական բացահայտմանը գործունեության տարբեր ձևերի կիրառմամբ՝ խաղ, աշխատանքային գործունեություն, կերպարվեստային

գործունեություն, պարապմունքներ: Ինտեգրված պարապմունքին նախապատրաստվելիս դաստիարակը կարող է օգտվել ինտելեկտուալ քարտի մեթոդից, որը տրամաբանական սխեմա, որտեղ արտացոլվում են հանգուցային հասկացությունը կենտրոնում, իսկ օժանդակ հասկացությունները՝ հանգուցային հասկացության շուրջ: Ինտեգրված պարապմունքին առաջադրվող թեմաներն են «Ձուր», «Տարվա եղանակներ», «Հաց» և այլն:

Գլուխ 2

Ինտեգրված պարապմունքի կազմակերպումը, որպես ճանաչողական, իմացական, սոցիալ հուզական ոլորտների զարգացման միջոց

Պարապմունքի ընթացքը

Թեման՝ «Արև»

Նպատակը՝ - Երեխաներին տեղեկացնել բնության մեջ, մեր կյանքում արևի կատարած դերի մասին (արևը որպես լույսի ու ջերմության աղբյուր):

- Երեխաների խոսքի մեջ ակտիվացնել համեմատությունները (բնությունը նկարագրելիս):
- Ջարգացնել երեխաների մտածելու, ստեղծագործելու կարողությունները:
- Ջարգացնել երեխաների խոսքը:

Խթանման փուլ – Ունկնդրել փոքրիկ հեքիաթ արևի մասին:

Արևն ասաց՝

- Ո՞վ է սիրով ինձ սպասում,
- Ո՞վ է ինձնից շողեր ուզում:
- Ես՞ եմ ուզում, ասաց ծիլը:
- Ես՞,- ձայն տվեց արագօլը...

Դաստիարակ՝ - Իսկ դուք սիրո՞ւմ եք արևը: Ինչո՞ւ:

- Երբ է արևը դուրս գալիս զբոսանքի, ինչպես՞ (առավոտյան, թե երեկոյան):
- Երբ է մայր մտնում, ինչպես՞:
- Ինչ կլինի եթե արևը չծագի:

Երեխաները սիրում են արևը և նրան կանչում են երգելով: Լսում են երգի բառերը, իսկ հետո երգը:

Արև՛, արև՛, եկ՛, եկ՛,

Զիզի քարին վեր եկ,

Սև, սև ամպեր հեռացեք,

Արևին ճամփա տվեք:

Երեխաներն անգիր սովորում են բանաստեղծության առաջին քառատողը, որից հետո սովորում են երգը:

Իմաստի ընկալում

Երաժշտություն՝ Երեխաները լսեցին երգը մի քանի անգամ, կատարելով պարային շարժումներ: Երաժշտական դաստիարակը բացատրեց երգի բառերը:

Երգը շատ դուր եկավ երեխաներին, կրկներգը կատարում էին գրեթե բոլորը:

Ֆիզկուլտդադար

Երեխաներ՛, փորձե՛լ եք արևի շողքը բռնել: Ինչպես՞: Բոլորդ բացեք ձեր ձեռքերի ափերը և փորձեք որսալ արևի շողիկը՝ լույսի փայլը: Ինչ՞ զգացիք: Իսկ հիմա արևային նապաստակը շարունակ կփախչի ձեզանից, դուք պետք է բռնեք նրան:

Ապլիկացիա

Նյութեր՝ մկրատ, սոսինձ, գունավոր թղթեր, փորձաթուղթ, թաց անձեռոցիկ:

Պարապմունքը անցկացվեց խմբային մեթոդով: Երեխաները յուրաքանչյուրը կտրեց մեկ ճառագայթ և փակցրեց շրջանին, ստանալով ամբողջական արեգակ:

Դաստիարակը նախապես բացատրեց, թե ինչ հեռավարությամբ պետք է փակցնել ճառագայթները և նշեց, որ ճառագայթները կարող են լինել տարբեր երկարության:

Նախկին պարապմունքներից երեխաները արդեն տիրապետում էին մկրատից և սոսնձից օգտվելու հմտություններից և կարողություններից, ինչի արդյունքում ամբողջական արևը ստանալը կատարվեց հեշտությամբ, կոկիկ ու մաքուր:

Այստեղ փոքրերին օգնության կարիք կար, քանի որ դժվարանում էին բռնել մկրատը ճիշտ:

Ծեփակերտում

Երեխաներին բաժանվեց գունավոր պլաստիքին: Դաստիարակը ձեռքի շրջանաձև շարժումներով ցույց տվեց, թե ինչպես պետք է ստանալ գունդ, ինչպես պետք է մատների ծայրով հարթեցնել գունդը:

Այս բացատրեց, որ ճառագայթները պետք է ստանալ ձեռքի ավերով, պլաստիքինի գլանման մեթոդով:

Երեխաները ծանոթ էին պլաստիքինով աշխատելու բոլոր մեթոդներին, ինչը նպաստեց, որ բոլոր շարժումները կատարվեց ճիշտ և երեխաները ստացան համաչափ ճառագայթներ:

Այս պարապմունքին ևս փոքրերին օգնելու կարիք կար, քանի որ դժվարանում էին:

Կշռադատման փուլ

Այս փուլում պարզվեց, թե ինչ զգացողություններ առաջացան երեխաների մեջ, ինչ գույներ օգտագործեցին ապլիկացիայի և ծեփակերտման ընթացքում և ինչ նոր բան սովորեցին:

Դիտորդներ՝

Դաստիարակ՝ Լենա Գյուլգադյան

Պարապմունքն անց էր կացվում տարատարիքային խմբում (որն իր մեջ ներառում էր 3 տարիքային խումբ) դաստիարակներ Լիանա Պետրոսյանի և երաժշտական դաստիարակ Գայանե Ջիլավյանի կողմից:

Պարապմունքն ինտեգրված էր և իր մեջ ներառում էր 3 մեթոդիկաներ՝ երաժշտություն, ապլիկացիա և ծեփակերտում:

Թեման՝ Արեգակ

Նպատակը՝ Երեխաներին ծանոթացնել մեր կյանքում արևի կատարած դերի և օգտակար ազդեցության մասին: Երեխաների բառապաշարը հարստացնել նոր բառերով ու բառակապակցություններով, զարգացնել երեխաների մտածելու, ստեղծագործելու կարողությունները:

Դիդակտիկ նյութերը – Արևի նկարներ, որոնք պատկերում են օրվա տարբեր պահերը՝ արևածագից մինչև մայրամուտ, համակարգիչ, գունավոր թղթեր, ստիինձ, մկրատ, փորձաթուղթ, պլաստիլին, մոմլաթներ, թաց անձեռոցիկներ:

Տևողությունը՝ 30 – 35 րոպե

Երեխաների թիվը 21:

Ինտեգրված պարապմունքը հազեցած էր թեմատիկ դիդակտիկ նյութերով, ինչի շնորհիվ տարբեր ինտերակտիվ միջոցներով դաստիարակը ամփոփեց ամբողջ թեման՝ հաշվի առնելով յուրաքանչյուր տարիքային խմբի երեխաների կարողություններն ու հնարավորությունները:

Պարապմունքն իր կառուցվածքով բազմաբնույթ էր, հազեցած երաժշտական, խաղային, կառուցողական էլեմենտներով:

Առկա էր գեղեցիկ խթանման փուլ:

Ապլիկացիայի և ծեփակերտման պարապմունքների ժամանակ երեխաները աշխատում էին կոկիկ, զարգացնելով մատերի մանր մոտորիկան:

Ինտեգրված պարապմունքի ընտրված ձևը և կառուցվածքը նպատակային էր այնքանով, որ երեխաների համար ստեղծված էր համապատասխան միջավայր, որն էլ իր հերթին նպաստում էր, որ երեխաներն ավելի հաճույքով, ավելի ուշադիր և հետաքրքրությամբ ներգրավվեն իմաստի ընկալման փուլում:

Տնօրեն՝ Մարինե Գրիգորյան

Ինտեգրված օարապմունքի դիտում

Դաստիարակներ՝ Լիանա Պետրոսյան, Գայանե Զիլավյան

Խումբ – տարատարիքային

Տևողությունը 30ր.

Կիրառված մեթոդիկաներ – երաժշտություն, ապլիկացիա, ծեփակերտում

Թեման՝ - Արեգակ

Դաստիարակի կողմից հետազոտվող թեմայի կարևորությունը մեծ է և արդիական նախադպրոցական կրթության մեջ, այն ամբողջական էր, երեխայակենտրոն, հազեցած և նպաստում էր երեխաների զարգացմանը: Պարապմունքի ամբողջ ընթացքում դաստիարակի հարցադրումները պարզ էին, հանձնարարությունը տրվում էր յուրաքանչյուր տարիքային խմբի համապատասխան: Պարապմունքը հազեցած էր նորագույն տեխնոլոգիայով, առկա էր արևի, արևածագի, մայրամուտի տարբեր նկարներ:

Թեման ընտրելիս դաստիարակը հաշվի էր առել թեմայի կարևորությունն ու հազեցվածությունը՝ բովանդակային առումով:

Երաժշտական պարապմունքից հետո ֆիզկուլտդադար էր, որից անմիջապես հետո սահուն անցում կատարվեց կերպարվեստային պարապմունքներին:

Ապլիկացիայի պարապմունքն անցկացվեց որպես խմբային աշխատանք, յուրաքանչյուր երեխա սոսնձեց արևի մեկ ճառագայթ, իսկ ծեփակերտումը անհատական պարապմունք էր, առկա էին մոմլաթներ, գունավոր պլաստիլին, մաքուր լաթեր և թաց անձեռոցիկներ:

Դաստիարակը հասավ իր նպատակին, քանի որ իր կողմից պլանավորված թեման ամբողջությամբ երեխաները յուրացրեցին:

Վերջնաարդյունք՝

Այսպիսով իմ համոզմամբ ինտեգրված ամփոփիչ պարապմունքներն առանձնահատուկ նշանակություն ունեն կրթական գործընթացում: Դրանք սովորական պարապմունքներից տարբերվում են այն առումով, որ այստեղ ամփոփվում, ամբողջացվում և ամրակայվում են անցած նյութի բովանդակությունը վերարտադրել երեխաների կարողությունները: Հետազոտության արդյունքում համոզվեցի, որ ինտեգրված պարապմունքները նպաստում են նաև երեխաների միջև խաղային և խոսքային փոխհարաբերությունների կայացմանը, ինչպես նաև հիշողության, իմացական և հուզական ոլորտների զարգացմանը: Ինտեգրված պարապմունքներն ապահովում են երեխայի ներդաշնակ զարգացմանը:

Պարապմունքներում կարևորվում են ինտեգրված պարապմունքների դերը:

Գրականության ցանկ

1. Ծննդից մինչև վեց տարեկան երեխաների զարգացման և կրթական չափորոշիչները 2018թ.
2. Կերպարվեստի, պարապմունքների կազմակերպումը մանկապարտեզի միջին խմբում
3. Ինտեգրված կրթություն Վիքիպեդիա
4. «Ինտեգրումը կրթական գործընթացում» - Փնջոյան Տ. – 2018թ.